

**“Amyu shayi ni ntsa
laja lana galaw ai lam
ngu ai gaw”**

“Amyu shayi ni ntsa laja lana galaw ai lam ngu ai gaw”

San: :Amyu shayi ni ntsa laja lana galaw ai lam ngu ai gaw hpa rai ta?

Mungkan munghpawm rapdaw a amyu shayi ni ntsa laja lana lam shatsai kau lu na hte seng ai shana shabra laika hta laja lana lam ngu ai ga gaw “masha law law a shawng hta (sh) masha nmu ai shara hta jahkrit shama ai, ndut ndang lam hpe shagyeng ai (sh) ntara ai hku zing la ai lam hte kin sha roi rip ai a majaw hkum shingyan hte seng ai (sh) myit hte seng ai ning ma lu ai (sh) amyu shayi ni hkam sha lam hpe byin pru shangun ai (sh) byin pru wa lu ai hkrang npawt a jaw e laja lana lam mabyin yawng hpe tsun mayu ai rai nga ai.

“Num la hkrang nbung ai a ntsa byin hkrum ai lam kumla shagu hpe mung (sh) byin wa mai ai masha shawng kaw, tinang a prat hta byin wa ai kin sha hte seng na roi rip hkrum ai lam, kin sha hte seng ai lam (sh) myit hte seng na daw hten hkrum shangun ai, amyu shayi ni hpe hkam sha shangun ai lam, ndai zawn re zai ladat ni lang na ngu nna me jahkrit ai lam hte shagyeng sha ai (sh) wang lu wang lang ai lam hpe da sang pat shing dang ai lam”

San: : Amyu shayi ni ntsa laja lana galaw ai lam hta ganing re mabyin gaw law malawng mu lu a ta?

Amyu shayi ni ntsa laja lana galaw ai lam gaw kum la amyu myu hku byin hkrum lu ma ai. Lawu de tsun da ai lam ni gaw masat tawn ai lam ni gaw nre ai.

Myit hte seng ai laja lana galaw lam: : Lam amyu myu hte amyu shayi langai a tinang hkum tinang kam ai myit hpe shayawm kau ya na matu matsa mawa di ai, n gup aga hte roi ai, shala agya ai, jahkrit shama ai, kin sha ga ni hte tsun ai, gaya jahkrum ai, aw jum le jum rai dingbai dingna jaw ai, yu kaji ai, myit hkam sha lam hpe dasang galaw ai (sh) shingtai zawn byin hkra dasang galaw ai, ndai zawn re lam ni mung rai nga ai.

- **Hkum shingyan hte seng ai laja lana galaw lam:** :Dan dawng ai gaw gayet ai, htwi anyawp ai, adup zingri ai, lak nak arai langai ngai hte dang sha ai, shama sha ai, hkum hkrang daw tsa gadoi di kau ya ai hte sat kau ai lam ni gaw dan dawng ai laja lana roi rip ai lam hta shang lawm nga ai.
- **Kin sha roi rip ai lam:** :Aw jum le jum dingbai dingna jaw ai lam amy myu kawn myit nlawm tim kin sha roi rip ai hta na hkum shan roi ai lam, lahkawng maga myit hkrum ai lam nnga ai sha ganawn na matu ladat shaw ai lam amy myu(ga shadawn- masha langai ngai hpe n gun madun na shagyeng ai lam) rai nga ai. Dai zawn laja lana lam kum la ni hta sai rum ai jinghku daw ang ai ni hte ganawn ai lam ni mung lawm nga ai.
- **Ja gumhpraw hte seng ai laja lana galaw lam:** :Lam amy myu hku nta dinghku a shang gumhpraw, ningrum ningtau jan a sali wunli (sh) shang gumhpraw ni hpe adaw achyen hku shing nrai yawng hkra hpe hkrang ai ladat ni lawm nga ai. Tinang a ningrum ningtau jan hpe shing gan bungli galaw na matu pat shingdang ai lam (sh) shang gumhpraw hte seng na shamyet shanat nra hkra galaw ai magam bungli ni hpe hkan shing dang ai ni mung lawm nga ai.
- **Myit jasat hte seng na dang sha ai lam:** :Tinggyeng masha langai a htunghking (sh) makam masham lam hte seng ai hkam la ai lam hpe asawng asang di ai (sh) mara jaw ai kawn shamit kau na matu galaw ai, tinggyeng hte seng ai makam masham lam hpe lang na ahkrang bat shing dang ai (sh) shanhte a awm dawm n re ai makam masham hpe amy shayi ni ntsa shing nrai, ma kaji ni hpe shagyeng let hkan nang hkan sa shangun ai lam mung lawm nga ai.

Shiga ru pawt: : Amyu shayi ni hpe laja lana roi rip ai lam hte seng ai Kaneda amy ni wuhpung (1993 ning) hpang jahtum tang madun ai laika buk, mu mada lam hpe galai shai ya ai lam, laja lana galaw lam hpe jahkring ai lam hte rap ra ai lam lu la na lam. Laika man 6-7



Myen Mung Amyu Shayi Hpung Ginjaw